

कजि काइडगे उडुःतेबअःलअः । सरतिगे नेअ दो बितर इकिर कजि ।  
मोन उडुःरेअः तोनोल दो एत्कन उतर तोनोल ।

अबु नेअकोआते रडाओचोगोःगे लगतिडा मर चिलकाबु रडाना ?

दनदरेअः सडा :— हों, मेनदो अउरि । ओडोःगे सरिउरुमलेपे ।  
ओडोःगे अपे एअः एअः ओडोः हटिकुटि किलिमिलि तोनोल कोतेपे  
तोलअकना ।

सोबेनको :— अलेअः दो तोबे तोनोल एसकर चि ? मर सोबेनअःले  
अयुमलेगेअ । जगरअलेम । ओडोः चिनअः कोतेले तोलअकना ।

दनदरेअः सडा :— अपेअः का बुगिन का नपयअन सेसेन कोतेपे  
तोलकुचुडअकनगेअ । एनाकोरेअःतेओ अपेअः एत्कनअःगे होबातना ।  
अपे तलारे हटिकुटि एत्कन कजिकमिको पेरेःजना । एनाकोरेअः तोनोलओ  
कापे रडादडितना ।

अपे तलारे मिह मोनोः चि दुपुलड बनोःअ । अपे हिपिसिगातना ।  
मियह एअःनियअः बुगिनअः कापे सनडतना कापे देपेंगातना । एनारेअः  
तेपे कुपुमबुडतना, अपे किपोसतना अरपे गोपोःएतना । मियह एअःनिः  
लोःपे होपोसोडोतना । समा समारेपे फुलइनतना ।

अडिसा अर लंडिअ अपैरे जहकागे पोसातना । मियह डोंडो रोको  
मियह बिदिरमअः पिनतरअकन जलोमरेए पसे गोजोःतनलेका उतर बेपेदा  
बिदिरम अपे दुडुम पगाते चि रुडून जोडातेए तोलकुचुडतदपेअ । एनते  
बुलोःरेअः तोनोल ओडोः । बुनुलरेअःते अपेअः बुगिन उडुः सेंडां अटकर  
उएम एमनकोपे जिअन चबाजदा । अपेअः मोन बलुतना । मोसापे बुल  
एटैःजनचि एनारेअः कैटेः तोनोलआते रडान कापे दडितना । बुलोःरेअः  
मेंडेह सिकिडिते तोलकुचुडअकनते एन बुलोः गडारेपे अतु बुअल गोजोः  
तना । अपेअः ओतेहसाओ, खुरजिओ, अपेअः मइन मनरड सोबेन एन  
बुलोः गडारेगे सेनोः चबातना ।

सोबेनको ( दुरडका ) :—

मर एयड मर अपड हो, गडादअःतेइड अतुतना,  
मर एयड मर अपड हो, सुइ दअःतेइड बुअलतना ।

वाचि वहुम लिंगजदा, बाडा कडे लेसे लेसे,  
 काचि बोयोम चिनाजदा, मुद्र नचल बो'रे बो'रे ।  
 मर बहु मर बचारे, बाडा कडेरे सव् रुडानमे,  
 मर बोयो मर बचारे, मुद्र नचलरे जपागेनमे ।  
 बाडा कडेरेइइ सवकेना, बाडा कडे सिद्धजना,  
 मुद्र नचलरेइइ जपअकेना, मुद्र नचल दोइइजना ।  
 बाडा कडे सिद्धजना, मुद्रु लेकाइइ अतुतना,  
 मुद्र नचल दोइइजना, मुद्रु लेकाइइ वुअलतना ।  
 —( जट्टर रांड )

कुणो: आंगिर मुसुन करम हटि वसइ करोव,  
 उकडा कोन कुरकुर मोटइ अलय जरोव,  
 कुरकुदले नमअकदा गोनी:ए गरोव ।  
 अलयअन उड्डु:रेगेले पट्टुइजना,  
 होडोमो रसिका रेगेले तुगुइजना,  
 मुकुति होरातेओले उकुइजना ।

—( अइंदि रांड )

( सोवेनओ जगरेवा ) :— अब्बा गा सिरमा अपु अलेअ: ! नाअ:दो  
 हूइइ हूइइरेओ अले तोलअकनअले लेलउरमेनतना । उदुव्अलेम,  
 चिनकाने रडाना ।

दनडरेअ: सडा :— अइइ ओमअकदपे वुगिन सरति ससंकिर नम  
 वडाएपे :—

(मिद्र होइ हपनुम कुइइहोन, बोओ:आते कटा जकेद् मजा सिगरअकनति,  
 अन्तार ए जतरातदा अर जोम तीरे विजिर विजिरो:तन कपि ए दोदोअ  
 कदा । इति: इनुइ रचाते ए सुसुन अगुएका । होडोमोरे मपरडगे “ होडो  
 मसुचिर ” मेनते ओलअकनअ: ए तुसिडतका । कपि चुटिरे सुनुमते  
 नुमअकन सेरेद् ए पट्टुइतका ) ।

सेपेडेद् हपनुमको :— अलेअः होड़ो ससंकिर तले, मर जोअर,  
मर जोअर, मर जोअर ।

( ओतेरे इकुडुमेनजनते को जोअरीका । ओड़ोः तलारे होराको  
अइअःअइका अर को तिगुअकनका ) ।

दनडरेअः सडा :— अइड ओमअकद्पे मरड जुलतन जनव तइयुः  
अपेअः होड़ो ससंकिर मइनेपे, जोतोनेपे होरो जोगवएपे, ने ससंकिररेअः  
सनबूतेगे अपेअः तोनोलको टोटअः सिद्एपे । अपेअः सोबेन सोबेन  
तोनोलआते रडाअमिडओःपे । अइड सिरमा सिडगो'सिड अपे सिरजव  
तइपे अपेअः अपु, अइडगे ने अइडअः जुलतन सेंगेल मरसलअइड  
ओमअपेतना । नेअ सेंगेलते अपेअः होड़ो ससंकिर बमबरुको जुल जुंड़िएपे,  
नेअ सेंगेलते अपेअः सोबेन तोनोल पगाको बयरको सिकिड़िको ओइ  
दोइड गिड़िएपे ओड़ोः अपेअः होड़ो ससंकिररेअः बमबरु गोटा दिसुमरे  
जुल जुंड़िएपे आइ नेअ ससंकिररेअः जुलतन झकझकतन मरड मरसलते  
अपेअः गोटा होड़ो दिसुम मरसलते पेरेगोःका । अपे सोबेनकोअः मर  
ओगुगु—

तोबे, तेर, ने अइडअः जुलतन सेंगेल तेलाएपे ।

['ससंकिर' मेननिः सुसुनतनलोः सेपेडेद् हपनुमकोअः तलातलाते दनडरेअः  
महातअःए सेनका । दनड लिजअः चेतनआते जुलतन बमबरु  
अइगुओःका । "ससंकिर" एना इकुडुम कोःतेए जोअरेका । सोबेनकोओ  
इकुडुम कोःते एनाको जोअरेका । "ससंकिर" मेननिः लेलतनको सअः  
सुगडकेअइ एना जुलतन बमबरुते अयअः कपि बमबरुए जुंड़िएका ।  
बरन जुलतन बमबरु मिमिद् तीरे दोदोअकदलोः ए सुसुन अगुएका ।  
बिरसाअः गुगुए बइअकननिःतअः सुसुन इदिकेअइ जोमसअःआते आइ  
संगाअःआते अपिसा गोलगे सेकेडाए बियुरेका अर एनाते बरन बमबरुते  
बिरसाअः तोलअकन तीकिड तलातेए हरदड रकव्एका । तोनोल सिदोःका  
अर बिरसा जोरते तीकिड ए हरड बेड़ाएका । मिमिद् तीरे दोइडअकन  
सिकिड़ि इंगाअकन लेलोःका । बिरसा हपे गेए कुड़िल बेड़ाएका ।

“ससंकिर” बरन तीते बमबरु दोदोअकडलो: इनुड रचा तवातिए  
सुसुन अगुएका अर ए तिगुनका ।

गेलबर सेपेडेडको जोम तीरेअ: अर गेलबर हपनुमको लंगा तीरेअ:  
जुलतन बमबरुतअ: मोड होड मोड होडतेको सुसुन अगुएका आड अकोअ:  
कपिरेअ: बमबरु जुंङि केअड सुसुन तनलो: अकोअ: टयडको रुडाका अर  
को तिगुनका । सोबेनको जुंङि चवाकेअते सोबेनकोते नेअ (Finale)  
हुंङु मइन दुरड जपि राडते ककला सडातेको दुरडेका अर सडको  
सडिओ:का] :-

बमबरु तले ससंकिररेअ: सरिजा गोसिड,  
जुंङिजना जुलेजना.....सरि जपि सरि ।

जुलेअले जुंङिअले, सरि जा गोसिड,  
नेअ सेंगेल नेअ मरसल.....सरि जपि सरि ।

दोडडेअले, तोपडेअले सरि जा गोसिड,  
तोनीलको तले सिकिङिकोतले.....सरि जपि सरि ।

देंगाअलेम अमगे, गोडोमअलेम अमगे, सरि जा गोसिड,  
ससंकिरतले जुलअकन तइनका.....सरि जपि सरि ।

[हुंङुरे गेलबर सेपेडेडको अर गेलबर हपनुमको समड दपरोम रचा सुसुन  
को सुसुनतका । आड तला रेदो “ससंकिर” मेनेनि: लेलतनको सअ:  
समडकेअड अयर तयोम अए एसेकररे इनकुतलारे इनकुअ: ताल रेगेए  
ससुनेका । सोबेनको अकोअ: अकोअ: बमबरु दोको दोदोअकका । नेअ  
रचा दुरड दुरडो:का] :-

बमबरु दोरे, मंडं, जुंङिजन, झकमकतन जुंङिजन,  
बमबरु दोरे, मंडं, जुलेजन, जिलिमिलितन जुलेजन ।  
तोनील दोरे, मंडं, दोडडेजन, ससंकिर बमबरुते अतरजन,  
सिकिङि दोरे, मंडं, तोपडेजन ससंकिर बमबरुते ओडोरजन ।

( सोबेनको पुरअ: ककला तोरसाको कउरिएका )

अडअ: सा'र ! अडअ: सा'र !! अडअ: सा'र !!!

[मरड दनड लिजअ: अडगुओ:का]

## बितिरिद

नेअ "होड़ो ससंकिर बमबरु" नुतुमअन चलिता इनुड "समपडतिड"  
रेअ: १६७३ सिरमा सिरि जलिका ओड़ो: सिरि सगिता चंडु: रे  
छपा सेना ।

नेअ चलिता इनुड मिदतअ: बरतअ: लेका इनुडलेनते होड़ो को एना  
पुरअ: को सुकुअदा । तमान हगा मिसिको नेअ जुदाते पुधि होन रे  
छपाओ:का मेनतेको कजिकेदा । एनलेकाते नेअ अबु नतिन उपा  
रूडाओ:तना ।

ने रे अबु होड़ोहोनको नतिन पुरअ:गे इनितुको मेनअ: । चलिता  
इनुड ले होराते अबुअ: मोन सुरुद रे नेअ रेअ: इनितु अर उसुकुर मर  
तेबअ: सेटरका । अबु नेअ रेअ: इनितु लेका सेसेनओबु सेनेका अर अबुअ:  
बुगिनअ: होबाओ:का ।

नेअ चलिता इनुड हतु हतु रेअ: सुसुन अखड़ाकोरे सुसुन सिदा  
इनुडो:का । नेअ सिदाते इनुडको:का एनते सुसुनको एटेगो:का ।

स० अ० वि० दि० हंस ।

पुथि नुमो:तथ:

The Rt. Rev. S. A. B. D. Hans,

Bishop's Lodge,

P. O. Box- 1

Ranchi 834001

Bihar,

अपेअःगे तइकेन ओतेकोरे अको नतिन मपरड मपरड ओइअः को  
बइ बइ तेको तइनतना अर अपे दो तोलकुचुडअकनगे जेटे जरगि रबइ रे  
एन ओटअः रेगेपे तिगु केटेकेटेअकना ।

खुंठि कछइरि पिड़ि रेओ एनकागे । ती तोलअकन तेगे चेतन  
पिड़िगि रेपे दोंदो रकव्अकना । एनतअःरेओ अपेअःती ते दो जेतान प्रःगे  
कापे रिका दइ लेकापे बइअकना । चिकाएअपे बपुड़िः को ।

सोवेनको :— हे गे तेरा । अब्वा गा, नाअःदोले लेलउरुमजदा । अने  
पुरअः उतरले तोलअकनगेअ ।

मर नाअः दो अमगे दे रड़ातलेम । अले रेदो बनोः तले पेड़ेः  
( बिरसाअः मुरुत तोलअकन तीकिडए दोंदोएका अर रड़ान नतिनए  
रचअः बेड़ाएका )

दनडरेअः सड़ा :— हौं, अयरते ओड़ोःगे अयुमलेपे ।

ती कटारेअः तोनोल दो, नेअ दो होड़ोमोरेअः लेलोः तोनोलको ।  
मेनदो जइका बोरोअन तोनोल दो अपेअः जी मोन उड़ुःरेअः तोनोल  
देरड । अपेअः जीमोन रेअः उड़ुःको ओड़ोः अदिड मुरुद् रेअः अपेअः  
अटकर उरुम एमन सोवेनअःको ने लेका तोल कुचुडअकना तपेअः ।

होड़ोकोअः उड़ुःअर मोनरेअः सेंड़ां मुंडिअनको दंडां नमतदलेका एन  
हटिय हिजुः होरा चि खुंठि पिड़िरे तोलअकनपे तिगुअकनतेअः लेल लेलते  
अपेअः मोन अदिडरेओ एनलेकागेबु तोलअकना मेनते मंडिमंडिते ऊड़ुःपे  
हेवा चबाओःतना । अयरते तोलअकनगेबु तइयुःअ, रड़ाओः कायुगे दइअः  
मेनते अपेअः उड़ुः पोकोतो उतरोःतना । अलेले तोलअकना मेनेअः उड़ुः  
अपेपे मनतिड हपेजदा ।

अंग्रे जीतेको मेने एन Slave mentality अपेअः जीसुद्धरे  
पोकोतोगे रेदुउतरोःतना ।

जदोव :— हेला, अइडदो रंचिकोरेअः गोटालिकोरेअःइड पड़व  
चबाकेद्रेओ ओड़ोः एटअः दिसुम सयोव् कोअः सेंड़ां समइति कोरेइड  
पड़व बेड़ाकेनरेओ ने हटिय होरा अर खुंठि पिड़िरेअः तोनोलरेअः नमिनड

राचिआते खुंठि सअःपे हिजुःरे एन दुरडदअःपे परोयकेअते  
अपिरजमपलइ को अइगुन पिडि रेअः सिगि हसुर अतोम सअःरे होरा  
तलारे नेः लेलेपे नेः नेलेकापे तोलअकना ।

( अतोम पिडिगिरेअः दनड लिजअः ओचोगोःका अर सिद्धीइ  
सेपेडेइ बिरसाअः मुस्त लेका समपोडोअकनगे, बेनेइ अर मयड लिजअःसम  
ए तिगुअकनका । एन मुस्तरे लेकागे तीकिड सिकिडि ते तोलअकनए  
तइनका । बिरसाअः मुस्त उतर लेकागेए लेलोःका ) ।

पेडेःअन तीकिड तपेअः, फडडगा लेकान सुपुकिड तपेअः, द्विर  
लेकान कुडम तपेअः सनमडरे मेंडेइ सिकिडि ते काचि तोल कुचुडअकना ?  
नेका अपेअः दो तीकिड सुपु किड तोलकेपेअइ चेतन पिडिगिरे को दोंदो  
रकब् तपेअ अर को तिगुतपेअ । गदेल गदेल होडोको सेन होरातनको,  
निदा आइ सिगि हिजुःतन सेनोःतन को जनव जनव एनका तोल  
कुचुडअकनगेको लेलजपेअ ।

आइ अपे दो चिनअःपे मेनजदा होनड ? अपे दोपे मेनजदा,  
“ मजा देरड को मइनजदलेअ । चेतन रेको रकब् तदलेअ । पुरअः  
टका ओम केअइ एनलेकाको बइतदलेअ । ” एनका अपेदो होसोडो  
मइनते पे होसोडोओःतना अर समा रे फुलइतेपे मो' चबाओःतना ।  
जितनि :- ( ककला तोरसा ) अमगा अब्बा सरति गे, सरति कजिगे ।  
सांवेनको :- हे गे, सरति उतर कजि, सरतिगे तोलअकनगे मेनअःलेअ ।  
नाअः दोले टो'रजदा ।

दनडरेअः सडा :- एनकाको तोलतपेअ । आइ दो अकोअः सुकु सुकु  
अपेअः ओते हसा को, अपेअः ओडअः दुअर को, जुग जुगआते  
अपेअः मेनअःतेअः को अपेअः कटा सुबा तअः कोआतेगे को रेः  
जपेअ आइ को इदिचबाजदा जेताओः काको सरेःअपेतना ।

अपे दो ती कटा तोल कुचुडअकन रेअःते ती कटा जिलिड  
लेअइ मरबु हरदुःएअ मेनेअः दो जेता जेता कापे दडितना आइ पे  
ले'लअकदवोअ ।